

Skandalozno

Postavljanjem spomenika svecu papi Katolička crkva će centar Sarajeva pretvoriti u svoje svetište

ponedjeljak, 24 Mart 2014 u 17:38 sati



Piše: Ezher Beganović

Spomenik papi Ivanu Pavlu II bit će otkriven 30. aprila na trgu ispred sarajevske katedrale, samo nekoliko dana nakon što će ovaj papa biti proglašen svetim, najavljuje kardinal Vinko Puljić. Spomenik papi bit će visok oko tri metra, s 12 kubnih metara prostora i bit će napravljen od siluminija, materijala srebrne boje, koji je dosta postojan i kvalitetniji od prethodno planirane bronz. Znaju li Bošnjaci Sarajlije i Islamska zajednica u BiH šta će Sarajevo dobit kada trometarski spomenik svecu papi Ivanu Pavlu II okupira prostor ispred katedrale? Katolička crkva u BiH zna šta radi, znaju oni da će postavljanjem spomenika u srcu Sarajeva napraviti svoje novo svetište, novo Međugorje. Poznato je da katolici, kao i ostali kršćani, obožavaju kipove svece. Kada se postavi trometarski kip svecu papi u centar Sarajeva navalit će katolici sa svih strana da na koljenima obilaze svečev spomenik. Tako će u centru Sarajeva svaki dan, na otvorenome, neprestano trajati katoličke vjerske procesije. Ne treba sumnjati da će dio grada oko katedrale, odnosno spomenika vremenom, zbog komercijalizacije, biti potpuno katoliciziran. Šta će se tada dogoditi teško je sada procijeniti. Međutim, Bošnjaci su uvijek bili slabi na novac. Znaju to dobro u Katoličkoj crkvi, zato će igrati na tu kartu da ovladaju prostorom.

Nijedan bošnjački zvaničnik, politički ili vjerski, ne smije reći ništa protiv izgradnje spomenika koji će centar grada pretvoriti u ruglo i katoličko svetište. A još spomenik nije ni postavljen. Kako će tek biti kada navale katolici svome svecu i kada Katolička crkva krene u kristijanizaciju centra Sarajeva. Sigurni smo da ni tada neće biti Bošnjaka koji će smjeti reći bilo šta protiv.